



BOSNA I HERCEGOVINA
PARLAMENTARNA SKUPŠTINA
PREDSTAVNIČKI DOM

Komisija za ljudska prava, imigraciju, izbjeglice i azil

Broj: 01/5-011-233/01.

Sarajevo, 9. maja 2001.

Z A P I S N I K

sa 4 sjednice Komisije za ljudska prava, imigraciju, izbjeglice i azil

Četvrta sjednica komisije održana je 9. maja 2001. godine. Prisustvovali su: Osman Brka, predsjedavajući, Milloš Jovanović, prvi zamjenik predsjedavajućeg, Omer Filipović, Bahrija Osmanović, Violeta Kamberović i Mustafa Cuplov, članovi Komisije. Odsustvovali su Muhamed Begović, zbog bolesti, te Dušan Stokić i Miro Grabovac Titan.

Za sjednicu je jednoglasno usvojen sljedeći

D N E V N I R E D:

1. Usvajanje Zapisnika sa 3. sjednice Komisije,
2. Zauzimanje stava o događajima u Trebinju i u Banjoj Luci,
3. Razmatranje Zakona o izmjenama i dopunama Zakona o izbjeglicama iz BiH i raseljenim licima u BiH,
4. Informacija o stanju iz oblasti izbjeglica i raseljenih osoba (državnog Minsitarstva za ljudska prava i izbjeglice i entitetskih minstarstava),
5. Tekuća pitanja.

Ad – 1:

Na Zapisnik Komisije nije bilo primjedbi.

Komisija je jednoglasno usvojila Zapisnik sa 3. sjednice.

Ad – 2:

Predsjedavajući Komisije, g. Osman Brka, ukratko je upoznao Komisiju o događajima u Banjoj Luci koji su se desili 7. maja u povodu ceremonije polaganja kamena temeljca Ferhad-pašinoj ždamiji. Rekao je, pored ostalog, da je situacija bila veoma ružna, što su članovi Komisije mogli čuti i viDjeti putem medija. Naglasio je da ne želi detaljnije o tome govoriti. "Jedino što bih rekao jeste da ja želim da se to nigDje i nikada ne desi", rekao je gospodin Osman Brka.

Povodom ove tačke dnevnog reda kraće su diskutovali svi članovi Komisije i svi su osudili događaje u Trebinju i u Banjoj Luci, kao i sve druge događaje u Bosni i Hercegovini kojima se narušavaju ljudska prava i vjerske slobode i ugrožava lična i imovinska sigurnost građana.

Poslije diskusije predsjedavajući je predložio da Komisija usvoji sljedeći stav:

1. Komisija najoštrije osuđuje događaje u Trebinju i u Banoj Luci, kao i sve druge ekstremne pojave u Bosni i Hercegovini koje izazivaju međunacionalnu mržnju, nepovjerenje i netoleranciju. Događaji ovakve vrste direktno su usmjereni ka onemogućavanju povratka izbjeglih i raseljenih lica na svoja ognjišta, a što je direktna opstrukcija sprovođenja Aneksa VII Opšteg okvirnog sporazuma za mir u Bosni i Hercegovini. Zato Komisija zahtijeva da se organizatori i učesnici ekstremnih događaja privedu sudu prve i podvrgnu zasluženju odgovornosti.
 2. Komisija podržava hitno sazivanje plenarne sjednice oba doma Parlamentarne skupštine Bosne i Hercegovine radi razmatranja novonastale situacije.
- Komisija je jednoglasno usvojila stav koji je predložio predsjedavajući Osman Brka.

Ad – 3:

Na početku rasprave o Prijedlogu zakona o izmjenama i dopunama Zakona o izbjeglicama iz BiH i raseljenim licima u Bosni i Hercegovini sekretar Komisije upoznala je članove da je tek za Komisiju počeo teći rok od 30 dana u kojem Komisija treba predsjedavajućem Doma dostaviti izvještaj, te da u tome roku svi poslanici mogu da dostavljaju amandmane koje Komisija treba da razmatra i o njima zauzima stav. Iz ovih razloga Komisija je obavila samo kraću opštu raspravu. Predsjedavajući Osman Brka usmeno je iznio primjedbe na čl. 2, i 5., kao i na član kojim se predlaže da se član 28. osnovnog zakona briše. I gospodin Jovanović se usprotivio brisanju člana 28. Drugi članovi komisije su postavili određena pitanja i zatražili objašnjenja od predlagача.

Predstavnik predlagача Zakona g. Mario Nenadić upoznao je Komisiju da je lično učestvovao u izradi Prijedlog zakona, te da je Prijedlog sačinjen u saradnji sa entitetskim resornim ministarstvima i sa UNHCR-om. Obrazložio je potrebu izmjena i dopuna zakona i odgovorio na primjedbe i pitanja članova Komisije.

Poslije diskusije Komisija je zauzela stav da se ovog puta ne otvara rasprava o Prijedlogu zakona u pojedinostima. Pozvani su svi članovi Komisije koji imaju primjedbe na Prijedlog zakona da ih dostave u pisanoj formi i u formi amandmana, kao i da animiraju svoje klubove poslanika da to učine i drugi poslanici, kako bi se ispoštovao rok u kojem poslanici treba da daju amandmane. Pri kraju isteka roka predsjedavajući će sazvati sjednicu Komisije radi razmatranja amandmana i pripreme izvještaja Komisije za predsjedavajućeg Doma.

Ad – 4:

Predsjedavajući Komisije podsjetio je članove da je Minsitarstvo za ljudska prava i izbjeglice dostavilo informaciju o stanju iz oblasti izbjeglica i raseljenih osoba, te da su i entitetska minsitarstva dostavila svoje informacije.

Pomoćnik ministra g. Mario Nenadić je, pošto mu je predočena informacija na kojoj je u potpisu njegovo ime, negirao da je on tu informaciju dostavio (na dopisu nije stajao njegov potpis) i naglasio da je ona stara 10 mjeseci. Rekao je da po Programu rada Vijeća ministara Ministarstvo za ljudska prava i izbjeglice treba do kraja maja da sačini novu informaciju. Gospodin Nenadić je obavijestio Komisiju da je obnovljen rad državne Komisije za izbjeglice koju je formiralo Predsjedništvo BiH, a koja je sastavljena od državnog ministra i zamjenika i resornih ministara i zamjenika ministara iz entiteta. S obzirom da ta komisija zasjeda svakih 15 dana predložio je da Komisija doma dopisom zatraži da joj se dostavljaju zaključci sa sjednica Komisije Predsjedništva.

Zaključeno je da će se od Ministarstva za ljudska prava i izbjeglice, čiji je ministar predsjedavajući Komisije Predsjedništva, zatražiti da Komisiji Doma dostavljaju zaključke. Također je g. Nenadić zamoljen da ovoj komisiji dostavi Informaciju Ministarstva čim bude sačinjena.

U nastavku rada po ovoj tački predsjedavajući Komisije predložio je da Komisija sačini plan posjeta članova u određena mjesta u Bosni i Hercegovini gdje su najizraženiji problemi izbjeglica i raseljenih lica. Naglasio je da su entitetski ministri u svojim informacijama ponudili svoju uslugu u vezi s posjetama, te da su sugerisali da bi bilo dobro posjetiti Podrinje i Mostar, te Gradšku u Republici Srpskoj.

Poslije diskusije, u kojoj su učestvovali svi članovi Komisije, **zaključeno je sljedeće:**

1. Komisija formira dvije grupe od po tri člana komisije (s obzirom da tri člana Komisije nisu prisustvovali sjednici), i to.

a) prva grupa u sastavu: Omer Filipović, Bahrija Osmanović i Mustafa Cuplov – da posjeti Podrinje i Mostar;

b) druga grupa u sastavu Osman Brka, Violeta Kamberović i Mološ Jvanović – da posjeti Gradišku i Drvar.

2. Posjeta će se obaviti 22. i 23. maja 2001. godine.

Sekretar Komisije zadužen je da, u cilju organizacije posjete, iskontaktira resorna ministarstva i lokalne organe u opštinama kojima će se izvršiti posjeta.

Ad – 5:

Pod tekućim pitanjima članovima Komisije predata je žalba DOO "Četvorka" Kurić-Pučiric Ramize na rad Kantonalnog suda u Bihaću i sudije Jakupović Adema.

Konstatovano je da Komisija ne bi trebalo da se miješa u rad sudova.

Zaključeno je da se žalba proslijedi federalnom ministru pravde s obzirom da je sud pod njegovom ingerencijom, s zamolnicom da u okviru svojih nadležnosti provjeri navode u žalbi.

SEKRETAR
Rajka Stanišić

PREDSJEDAVAJUĆI

Osman Brka

